



Siverth K. Heilmann

UKA 2022/76-1

Atassut

25. oktober 2022

Tasiilami innuttaasut suliffeqanngitsut paaqqinninnermi isumassuinermillu immikkoortorta-qarfimmi sulilersinnaanissaannut qaffassaanissamut immikkut suliaqartussanik pilersitsinis-samut Naalakkersuisut peqquneqarnissaannik Inatsisartut aalajangiiffigisassaattut siunner-suut. Immikkut suliaqarnissaq sukkanerpaamik aallarnisarneqassaaq nunarpullu tamakker-lugu atuutilersinneqarnissaa siunertaralugu ataavartumik nalilersorneqartassalluni.

(Inatsisartunut ilaasortaq Anna Wangenheim, Demokraatit)

Siullermik siunnersuuteqartoq, Tasilaami immikkut ittumik iliuuseqarnissamut, qulaani qulequtari-neqartumut soqutiginartumullu siunnersuuteqarninnut qujanaq, imatullu Atassummiit oqaaseqarf-gissavarput.

Tasiilami innuttaasut suliffeqanngitsut paaqqinninnermi isumassuinermillu immikkoortorta-qarfim-mi sulilersinnaanissaannut qaffassaanissamut Naalakkersuisunut peqqusinissatsinnut, Inatsisartuni oqallittarnerpassuatsinni eqqaaqqaagaq siulleq tassaavoq, atorfinititsinnginnermi kinguaassiutitigut meeqqanut pinerliisimannginnissamik piumasaqaateqaqqaartarnissaq, inatsisartut inatsisitigut suka-tererusullutik nangittumik isummersoqqammernerput.

Anguniarneqarpoq immikkut suliaqarnissaq sukkanerpaamik aallarnisarneqarnissaa, nunarpullu tamakkerlugu atuutilersinneqarnissaa siunertaralugu ataavartumik nalilersorneqartarnissaa. Kom-muune-ni suliffissarsioraanni piumasaqaataalernikuuvoq, sumi suliffeqarusunnerluni, ilinniarsima-saq aallaavigalugu imaluunniit arlaat il. il. soqutigisinnaallugu toqqaasinnaasarlutik.

Ajoraluartumilli nunaqavissunik sulisussanik amigaateqaraluqaluta, ileqquliukkaluttuinnarpalput sulisussanik avataaniik tikisitsisaleraluttuinnarluta. Suliffeqarfiit sulisussameeraluaqisut, suliffissaaleqisut naqitsikkiartoqqiinnartarsinnaanerat suliffissaaleqinersiutissaannillu aningaasanik aallinnar-tarnissaat, piffissap aalajangersimasut iluanni inatsisartuni amerlanerussuteqartut naqissuseqquin-neqarpoq.

Inuit peqqissut suliffissaqarnissaat aningaasarsiorfissaqarnissaallu tamaviisa atorfissaqartillugit oqartaraanni, inuit inigisanut ajunngitsorsiassatut allatigulluunniit suligaanni isertitaqalaarpata ilanngartuussisarneq attuuttuartillugu, pisortat ikiussavaatigummik eqqarsartitsiuarneq, imminut ataqtigiiinngitsorujussuarmik ineriarngerput allanngortariaqarpoq.

Siunnersuuteqartup qulequtsiinermini tunngavilersuutaalu suna anguniarneraa paasinarluarpoq. Qulaanili oqaaseqaatikka innersuussutigalugit, siunertap iluatsinngitsoorsinnaanera ernummatigalugu nassuerutigissavara. Isummerfissarli pisariaqartutut Atassummiit isigalutigu, suliap naleqqus-sarneqarnissaa ingerlaqqinnissaalu tunngaviatigut isumaqatigaarput.

Qanga Inuuusuttut sulliveqarallarnerata allatulluunniit mandtiiminik agguaasarallarnitta nalaani, illoqarfinni nunaqarfinnilu, inuuusutorpassuit ilinniarsimasunik aqtsisuliinnarlugit sorpassuarnik inerititaqarlutik naammassisqaqtarnerat piviusuovoq. Soorunalumi kingusinnerusukkut allatut naleqqussaanigut sulininngortsigullu inerititaqarfiusartut taaneqarsinnaasut ilagiinnarpaat.

Tasiilami peqqinnissaqarfimmi immikkut ittumik aaqqissuusinerit sukkanerpaamik iluaatsitsivius-sappatalu, peqqinnissaqarfik matumanu inatsisartut peqqinnissamut ataatsimiitaliaata suleqatigine-qarnissaa avaqqunneqarsinnaanavianngilaq. Taamaattumik suliap aappassaaneerneqartigani ataatsi-miitaliamut ingerlateqqaarnissaa Atassummiit inassutigaarput.

Qujanaq.